

## Evening Dogri News Bulletin, 10 October 2024

इवनिंग डोगरी न्यूज़ बुलेटिन

समे-18:15 Hrs

<><><><><><>

### Headlines

- प्रधानमंत्री नरेंद्र मोदी होर आसियान भारत ते ईस्ट एशिया शिखर सम्मेलन च हिस्सा लैने लेई अज्ज लोआस पुज्जे।
- चुनां प्रक्रिया मुकम्मल होई जाने दे बाद भारतीय चुनां आयोग ने जम्मू-कश्मीर ते हरियाणा थमां आदर्श आचार संहिता हटाई दिती ऐ।
- उमर अब्दुल्ला होर विधायक दल दे अध्यक्ष चुने गे, मुख्मन्त्री बनने गितै तैयारी।
- मुख्म सचिव अटल डुल्लू होरें अज्ज श्रीनगर थमां सब्बनं शा लम्मी साइकिल यात्रा गी झंडी दस्सिए रवाना कीता, एह यात्रा 12 राज्यें ते केंद्र शासित प्रदेशें शा होंदे होई 3 जहार 750 किलोमीटर दा पैडा तैय करिए कन्याकुमारी पुज्जोग।

<><><><><><>

### PM Laos

प्रधानमंत्री नरेंद्र मोदी हार लाओस दी दो दिन दी यात्रा उप्पर वियंनचन पुज्जी गए न। प्रधानमंत्री उंदी इस यात्रा कन्नै आसियान मुल्खें भारत कन्नै सरबंध होर मते निग्गर होडन। लाओस दे गृह मंत्री विलय वोंगे बौद्धाखाम होर उंदा स्वागत कीता। प्रधानमंत्री होरें लाओस च रामायण दी प्रस्तुति फलक-फलम या फरा लक फरा राम दा अवलोकन कीता। यात्रा दे पैहले ध्याड़े प्रधानमंत्री होर वियंनचन च 21में आसियान भारत सम्मेलन च हिस्सा लैडन। मोदी होर सदस्य मुल्खें ते

भागीदार देशों दे लीडरें कन्नै बी दपकखी गल्लबात करडन। उंदा वियनयन च 19में पूर्वी एशिया सम्मेलन च बी हिस्सा लैने दा कार्यक्रम ऐ। मोदी होरें प्रस्थान शा पैहले एकट ईस्ट नीति दे महत्व दा जिक्र कीता हा। उनें आखेआ जे ओह आसियान लीडरें कन्नै समग्र सामरिक साझेदारी दी प्रगति दी समीक्षा करडन। प्रधानमंत्री होरें गलाया जे पूर्वी एशिया सम्मेलन हिंद प्रशांत क्षेत्र च रातीं स्थिरता ते समृद्धि दे राह पर पैदा चुनौतियें उप्पर विचार विमर्श करने दा मौका प्रदान करोग। प्रधानमंत्री होरें गलाया जे लाओस सने इस क्षेत्र कन्नै भारत दे निग्गर सांस्कृतिक ते सभ्यतागत सरबंध न। उनें गलाया जे इनें सरबंधें गी बौद्ध धर्म ते रामायण दी विरासत शा बल मिलेआ ऐ। मोदी होरें विश्वास व्यक्त कीता जे उंदा यात्रा कन्नै आसियान मुखें कन्नै सरबंध होर मजबूत होडन।

<><><><><><>

### MCC-JK

जम्मू-कश्मीर ते हरियाणा च विधानसभा चुनाएं दे सिलसिले च लाया गेदा आदर्श आचार संहिता अज्ज हटाई लैती गई ऐ। निर्वाचन आयोग नै जम्मू-कश्मीर ते हरियाणा च विधानसभा चुनां कराने दी घोषणा दे कन्नै गै आदर्श आचार संहिता लागू करी दिती ही जेड़ी चुनां प्रक्रिया दे मुकम्मल होने तगर जारी रौहंदी ऐ। हून कीजे इत्थे चुनां बी होई गेदे न ते वोटें दी गिनतरी दे बाद नतीजे बी घोशित करी दिते गेदे न, इस करिए हून आदर्श आचार संहिता गी वापस लेई लैता गेआ ऐ।

<><><><><><>

### CEO-LG

जम्मू-कश्मीर दे मुख चुनां अधिकारी पी.के पाले, भारतीय चुनां आयोग दे प्रधान सचिव प्रमोद कुमार शर्मा, विशेष सचिव मंजूर अहमद भट्ट, मुख चुनां दफतर च संयुक्त मुख चुनां अधिकारी

अनिल सलगोत्रा होरें अज्ज राजभवन श्रीनगर च उपराज्यपाल मनोज सिन्हा हुंदे कन्नै मलाटी कीती। इस दौरान उनें चुनाएं मगरा जम्मू कश्मीर विधानसभा आस्सेया चुने गेदे सदस्ये दे नाये दी इक्क सूची उपराज्यपाल होरें गी सौंपी। उपराज्यपाल होरें जम्मू-कश्मीर च रमानदारी कन्नै चुनां मुकम्मल कराने लेई मुख चुनां अधिकारी पी.के पाले होरें गी मुबारकबाद दिती। उनें चुनां प्रक्रिया कन्नै जुड़े दे अधिकारिये, जम्मू-कश्मीर पुलस ते सुरक्षा बले दी बी चुनां प्रक्रिया गी सफलतापूर्वक तोड़ चाढ़ने लेई सराहना कीती।

<><><><><><>

### NC-LP

जम्मू-कश्मीर च चुनां नतीजे आई जाने दे बाद हून सरकार बनाने लेई सरगरमियां तेज होई गेदियां न। नेशनल कांफ्रेंस दे प्रधान डॉ. फारूक अब्दुल्ला होरे दस्सेया जे पार्टी दी विधायक दल दी बैठका च उमर अब्दुल्ला होरेंगी एहदे चेयरमैन दे तौरा पर चुनेया गया जेहदा मतलब ऐ जे उइयो पार्टी दे 'मुखमंत्री' दे ओहदे लेई मेदवार होडन। उमर अब्दुल्ला हून कांग्रेस कोला समर्थन दी चिट्ठी लेइए उपराज्यपाल मनोज सिन्हा होरें गी लिडन ते 49 विधायके कन्नै सरकार बनाने दा दावा पेश करडन। मेद ऐ जे औंदे शनिवारें नेशनल कांफ्रेंस-कांग्रेस दा गठबंधन सरकार बनाने लेई दावा पेश करी देग। फारूक अब्दुल्ला होरें अग्गे आखेआ जे कांग्रेस पार्टी दी मीटिंग ऐ जेदे च ओ नेशनल कांफ्रेंस गी समर्थन देने दी औपचारिक घोषणा करडन। फारूक होरें अग्गे दस्सेया जे नमें चुने गेदे मिम्बरें, बैठका च इस गल्लै दा प्रण पाया जे ओ सब्बै इक्क-मिक्क रौहडन ते जम्मू-कश्मीर दे लोके दी भलाई-बेहतरी ते उंदिएं आसें-तांगें गी पूरा करने लेई कम्म करडन।

<><><><><><>



जे केंद्र शासित प्रदेश च हून अंतरराष्ट्रीय स्तर दे जिन्ने बी आयोजन कराए जंदे न, उंदे च लोक बधी चढ़िए हिस्सा लैने लेई दुनिया भरै थमां औंदे न। उनें एल्लै चला करदी लेजेड्स लीग क्रिकेट ते कश्मीर मैराथन दा विशेष तौरा पर जिक्र कीता। अज्ज शुरू होई दी साइकिल यात्रा च 22 टीमां हिस्सा लै करदियां न ते एह 3 जहार 700 किलोमीटर कोला बी लम्मा पैंडा तैह करडन।

<><><><><><>

### HM-PHDCCI

गृह मंत्री अमित शाह होरें देश दे उद्योगें गी अपना रूतबा ते आकार बधाने दा आग्रह कीता ऐ। नमीं दिल्ली च अज्ज उद्योग ते व्यापार मंडल दे पीएचडी चेंबर ऑफ कामर्स एंड इंडस्ट्रीज़ दे 119में सालाना सत्र गी संबोधित करदे होई गृह मंत्री होरें आखेआ जे देश दे उद्योगें गी बड्डे सुखने दिक्खने होडन ते उनेंगी वैश्विक बनाना होग। उनें गलाया जे इस सुखने गी सच करने लेई चेंबर ते उद्योगें गी मिलिये कम्म करना लोडचदा ऐ। गृह मंत्री होरें आखेआ जे सरकार नै 2 जहार शा मते पराने औपनिवेशक कनूनें गी हटाइये कंपनी अधिनियम च सुधार कीता ऐ ते 39 जहार शा मते नियमें दे अनुपालन गी सखल्ला बनाया ऐ। उनें गलाया जे प्रधानमंत्री नरेंद्र मोदी हुंदे कोल अगले 25 बरें च भारत दे हर क्षेत्र च अक्वल बनाने दा नजरिया, तर्जुबा ते प्रतिबद्धता ऐ। गृह मंत्री होरें आखेआ जे 2024 बरा औद्योगिक क्षेत्र लेई इक्क निर्णायक बरा ऐ। उनें आखेआ जे मोदी होर 23 बरे थमां लोकतांत्रिक तरीके कन्ने लोकें दा भरोसा जित्तरदे न। उनें गलाया जे स्थिर सरकार विजन नीतियें गी प्रभावी ङ्गै कन्ने लागू नेई कीता जाई सकदा। उनें गलाया जे जे रत्न टाटा होर न छडे भारत सगुआं विश्व दे सम्मानित उद्योगपतियें शा इक्क न। उनें गलाया जे रत्न टाटा उंदी विरासत म्हेशां गै उद्योग जगत गी प्रेरणा दिंदी रौहग।

<><><><><><>

### Tele Manas

सेहत ते परिवार कल्याण मंत्रालय नै अज्ज नमीं दिल्ली च विश्व मानसिक सेहत दिवस दे मौके पर टेली मानस ऐप ते वीडियो काल सुविधा दी शुरुआत कीती। कार्यक्रम च विश्व सेहत संगठन डब्ल्यूएचओ टेलीमानस मूल्यांकन रिपोर्ट ते कर्मचारिएं लेई आप दिक्खभाल करने सरबंधी माडयूल बी लांच कीता। इस बरे लेई इस ध्याड़े दा विशेषार ऐ कम्में आली थारें पर मानसिक स्तर जेड़ा दफतरें ते कम्म करने दिएं होरनें थारें पर कम्म ते मानसिक सेहत स्थिति दे महत्व गी उजागर करदा ऐ। सेहत ते परिवार कल्याण मंत्रालय नै टेलीमानस हेल्पलाइन दे दऊं बरे पूरे होने पर खुशी जाहर कीती। अतिरिक्त सचिव अराधना पटनायक होरें दफतरें ते कम्म करने आली होरनें थरें पर मानसिक तनाव दी स्थिति कन्ने निब्बड़ने लेई बवस्था ते प्रबंधें पर जोर दिता। डब्ल्यूएचओ दे भारत च प्रतिनिधि डॉ. रोडेरिको एच. आफ्रिकन बी इस मौके मजूद हे।

<><><><><><>

### WMHD-Udh

मुल्खै दे बाकी हिस्से आला लेखा जम्मू-कश्मीर च बी अज्ज विश्व मानसिक सेहत दिवस दे मौके पर केई कार्यक्रम आयोजित कीते गए। सरकारी मेडिकल कालेज उधमपुर च आयोजित इक कार्यक्रम डाक्टरें, नीम डाक्टरी अमले ते किश गैर सरकारी संगठनें इक जागरूकता रैली दा बी सरिस्ता कीता। इस मौके गल्ल करदे होई विभाग अध्यक्ष डॉ. हामिद होरें आखेआ।

<><><><><><>

## Bankers Meet Poonch

पुंछ दे जिला विकास कमीशनर विकास कुंडल जेहड़े जे जिला सतह दी जायजा कमेटी दे चेयरमैन बी ऐन होंरे अज्ज बैंके ते लाइन डिपार्टमेंटे दी कारकरदगी दा जायजा लैने लेई इक बैठक दी अध्यक्षता कीती। डाक बंगला पुंछ दे कांफ्रेंस हाल च लग्गी दी इक बैठका च चालू माली बरे दी पैहली तिमाही यानि पैहली अप्रैल कोला लेइए 30 जून तोड़ी दी कम्मं दी समीक्षा जिला विकास कमिशनर होंरे सब्बने बैंके गी निर्देश दिता जे ओ सारे बकाया मामले गी पैहल दी विनाह पर नबेइने ते लाइन विभागें गी मामले प्रायोजित करने कोला पैहले उंदियां सारियां औपचारिकतां पूरिया करी लैन तां जे इनेंगी तोड़ चाढ़ने च कोई दिक्कत पेश नेई आवै।

<><><><><><>

## UN-HRC

संयुक्त राष्ट्र महासभा नै 2025 कोला लेई 2027 तगर दे कार्जकाल लेई 47 मिम्बरी मनुक्खी अधिकार परिषद लेई 18 मिम्बरें दा चुनां करी लैता ऐ। बेनिन, बोलीविया, कोलंबिया, साइप्रस, कतर ते थाईलैंड समेत 18 मुखे दा चुनां गुप्त मतदान राएं कीता गेआ। एह मिम्बर मुख अगले बरे पैहली जनवरी कोला त्र'ऊं बरें तगर मिम्बर रौहडन।

<><><><><><>